



ZIRLAI 8

AUGUST 25, 2012

HMING THAR LEH THIAN THAR

CHÂNGVAWN: “Pathianin tumah thleibîk a nei lova, hnam tinreng mîte a pawm vek,” (*Tirhkohte 10:34, 35, NIV*).

Chhiar Tûr: *Tirhkohte 11:19-26; Tirhkohte Thiltih*, pp. 128, 129, 155-165.

A Thu Zirtûr: Pathian khawngaihna chuan mi zawng zawng a huap vek.

A châng chuan miin kan hming pum ni lovin min ko thîn. An kohna hming bik i nei mai thei. A hlangpui thuin thil eng emaw tak kan tih emaw, kan sawi emaw avangin kan hming ni lovin miin min ko thei. Mi thenkhat chuan hming duhawm loh deuh te pawhin min ko mai thei. Ringtu hmasate pawh kha miin hming eng emaw an vuah a. Chutianga an phuah zinga hming pakhat chu vawiin thleng hian an la pu a.

ISUA ringtu ni chung a Jerusalem khuua awm chu a lo hlauhawm ta tial tial a. Saula leh Juda hruaitute chuan tanin an khung hlawm thîn a. A chang chuan na takin an sawisa a, thah hial changte pawh an nei. Tichuan, ringtu thar tam tak chuan Jerusalem an chhuahsan hlawm a.


Ringtu thar eng emaw zat chu thingtlang khuuah te, khaw lian deuhah te leh khawpuiah te an pem darh ta chum chum a. Isua Krista an hriatna avang chuan an lawmin an hlim em em hlawm a. An rinna thar chanchin chu midang hrilh lovin an awm thei lo a ni ber mai. Isua khawvela a lo nun dan leh a thih dan leh a thawh leh dante chu hmun tinrengah chuan a darh ta chum chum a. Puithiamte leh Rabite tum ang chu a ni ta chiah lo. Isua chanchin chu miin an sawi an duh hauh lo.

Ringtu thenkhat chu Antiokeiah an pem a. Chutah chuan Juda mi tam tak an cheng ve bawk a. Antiokei chu khawpui pawimawh tak a ni a. A mawiin a hmingthang hle mai. Mahse khawpui sual tak an ni a, milem be mite awmna, Grik pathiante an biakna hmunpui a ni.

Chutih hunlai thleng chuan ringtute chu Juda mite tih an la ni tho va. Anni chuan an Juda thiante



[33]



leh thenawmte hnenah chuan Isua chanchin lawmawm tak chu an hrilh chhawng ve zel a. Mahse ringtute Antiakei hmuna pem ho chuan an thenawmte chu Isua chanchin an han hrilh ve a. Juda ho chauh ni lo, an hmuh apiang mai chu an hrilh zel a. Chu hmuna cheng ve Juda ho chu an hrilh a. Jentail, Juda mi ni lo pawh chu an hrilh baw a. Jentailte hnenah chutiangu thu han hrilh chu thil thar a lo ni a, a hmaa an tih ngai loh. Chutianga ringtuten chanchin tha an puang chu Pathianin mal a sawm a. Mi thahnem takin kohhran an rawn zawm ta a.

Jentailte pawh ringtu an lo ni ve tah tih thu chuan apostle-te leh Jerusalema ringtute beng a lo thleng ta hial a. Chuta kohhran hruaitute chu an rilru a buai ta. Mi zawng zawng hnenah chanchin tha hi Pathianin puang turin a duh leh duh loh an hre lo a ni. Bakah, Judate chauh hi Pathian hnam thlan an ni si a. Tichuan Jerusalema ringtute chuan Barnaba hnenah chhanna an zawt a. Barnaba chu mi tha tak, rinna khat, Thlarau

Thianghlima khat mi a ni. Antiokeiah va zina, thil awmdan va hre chiang turin an tir ta a.

Barnaba Antiokeia a va thlen chuan, LALPAN ringtute chu nasa takin mal a sawm tih a va hmu thei nghal a. Anni rindan chuan Pathianin mi zawng zawng a hmangaih a, chutiangu bawkin mi zawng zawng pawh inhmangaih tawn turin a duh ang tih hi a ni. Ringtharte hnenah chuan LALPA chu vuan tlat a, Amah chu chen/hlimpui turin a fuih a. Jentailte hnenah thute sawiin, mi tam takin Isua zui turin thu tlukna an siam ta nghal baw a.

Barnaba chuan tanpuitu a mamawhzia a hre thuai a. Chanchin hrilhtur an tam si. Isua chanchin hrilh tur tam tak an awm! Saula chu a rilruah a lo lang a. Saulan Damaska khaw panna kawnga Isua a hmuh hnua a nun a lo danglam dante a ngaihtuah a. A hming lam thlak a ni taw baw a – tunah chuan Paula tih a ni tawh. Tichuan Paula chu a zawng ta a. Paula pianna khua Tarsis-ah chuan a zin ta vang vang a. Chutah chuan Paulan midangte Isua chanchin a lo zirtir lai a va hmu a. Paula hnenah chuan Antiokei khuaa hna thawh tur tam tak awm chanchin chu a hrilh thuai thuai a.

Tichuan Paula leh Barnaba chu Antiokei khuaah chuan an zin let leh ta a. Chutah chuan chanchin tha thehdarh tur chuan thahnem ngai takin an thawk dun a. Kum tluanin Isua chanchin lawmawm tak chu midangte hnenah an hrilh zel a. Juda mi leh Jentail mi te chuan an lo ring ve ta a.

Ringtuten Krista chanchin an sawi nasat em avang chuan mite chuan Kristian tiin an hming an vuah sak a. Kar lovah chu hming chu Rom khawvelah chuan a thang chhuak ta thuai a. Mahse chu hming chu milembe ho khawpui Antiokeiah chuan hman hmasak ber a ni. Tin, chu khuaah tho chuan Saula, tuna Paula lo ni ta hian Jentail te hnenah hna a thawk tan baw a. A chanpual bik liau liau a a ruat hna thawk turin Pathianin a kova. Eng hna thawk ve turin nge Pathianin a koh ve che?

TIHTÛRTE

Sabbath

- In chhûngte nen leng chhuak teh u. Chutia in kal lai chuan, pawl hming aþa leh þa lo ngaihtuah teh. Tiang an hmingte chu khawi aþanga lo intan nge? An in kohna hmingte chu a þa vek em?
- In chhûngte kha koh an duhdan han ngaihtuah tir theuh teh u.
- Kristian kan nih avang leh Isua kan rin avangin lawmthu sawi rawh u.

Sunday

- *Tirhkohte 11:19-26* hi in chhungte nen chhiarin sawiho teh u. Tu nge kristian hmasaberte? Mi pathum hnenah kristian tih hi an mahniah engnge awmzia zawt ula, chuan a awmzia dictionary-ah en nghal rawh u. In chhungte in hrilh ve dawn nia.
- Globe emaw in ram lem zia ula, tah chuan in chângvawn zia rawh u. Tunkar chhunga in hmuh theihna hmunah hmunah khai ang che u. Hemi hmang hian in chhungte in zirtir ve dawn nia.
- Kristian þatak in nih theih nan Pathian þanpuina dîl rawh u.

Thawhþannî

- *Tirhkohte 8:1-3* hi in chhûngte inkhawm atan chhiarin sawiho teh u. Saula'n Isua a hmuh hma chanchin engte nge min hrilh theih?
- Kristian nih awmzia sawina *logo* siam ula, mi tu emaw vawiin hian hmuh ang che u. Kristian tih awmzia hrilhfiah pah baw ang che u. Kristian tih chu Isua zuitu tihna ani a. In hming kha engnge a awmzia?
- In sualte ngaidam turin Pathianin a fapa a rawntirh avangin lawmthu sawi rawh u. Paula leh Barnabaste ang chanchin þa midangte hrilh þin an awm avangin lawmthu sawi ang che u.

Thawhlehnî

- In chhûngte nen *Tirhkohte 11:19* hi chhiarho teh u. Khawi hmuhah nge Kristiante kha an kal? Map-ah a hmun zawng teh u. Engtin nge chulai hmun chu an thlen? Tunlai hian engtin nge kan zin? An lem pahnihin zia rawh u.

- Map-ah khan Jerusalem aþanga *Tirhkohte 11:19* a hmun inhlal zawng teh rawh u. Hmun khirh tak tak a chanchinþa thehdarhtute awmpui turin þawngþai rawh u.

Nilainî

- Chhung inkhawm laiin *Tirhkohte 11:25, 26* hi chhiarin sawiho teh u. Barnaba'n Saula a zawnhmuh khan khawiah nge a awm? Bible map-ah en rawh u. Khami hmun an chhuahsan hnu khan khawinge nge an kal tak?
- Antioke kua a Greekho pathian chanchin kha hriatchhuah tum rawh u. Paula leh Barnaba tan khan Pathianthu hrilh kha thilawl a ni em? Engvang nge? In Pastor kha vawiin chu fuihnathu card a siamin thawn ula, chuan a thiltih þin ah lawmthu sawi ang che u.
- Pathian hmangaihna midangte in þawm ve theih nan dîl rawh u.

Ninganî

- In chhungte nen *1 Johana 3:1* hi chhiarho teh u. Enge thu lawmawm chu? 'Chanchin þa' chanchinbu siam ula, tah chuan Bible thawnthua in duh ho lemte i telh dawn nia. In þiante entirin ula, a thawnthute hrilh ve ang che u.
- In þian kha tunkar chawlhni chu lo kal ve turin sawm ula, vawiin ah a tan in þawngþai dawn nia.

Zirtâwpnî

- *Tirhkohte 11:19-26* hi vawiin chhungte inkhawm laiin chhiarin sawiho teh u. Paula leh Barnaba kha Antioke ah engtia rei nge an châm? Enge tah chuan an tih?
- Tu nen a hun hmandun nge in chak? In lem leh chumi lem chu zia ula, chuan in chhungte bulah engvanga ngaina em em nge in nih hrilh rawh u.
- In chângvawn kha sawiho ula, chuan chanchinþa thehdarhtu ho zawng zawng tan þawngþai rawh u. In chhûngte chanchinþa thehdarhna a in puih ve theih nan dîl rawh u.

PUZZLE

HMING THAR LEH THIAN THAR

KÀWHHMÜHNA: A hnuaiia hmíng leh a thian hmíng hré thei tûr chuan hmíng fiáh lo taka ziah hi chhúi fiáh hmasa pháwt ang che. Chutah a thianpâ hmíng chu i chhui fiáh zúi nghâl ang a, tichuan an pahniha hmíngte chu i hré mai ang.



Σ Λ Λ _
Ρ Λ Λ _
Β Λ Ι Ι Λ Β Λ Σ